

ԱՅԱՆԸԲ ԵՎ ԴԵՐԵՐԵՅԻՔ ԻՆՍՏԻՏՈՒՏՆԵՐԻ ՄԱՍԻՆ

ՄՈՒՐԱԴ ԲՈՋՈՒՅԱՆ

Վերջին տասնամյակներում Թուրքիայում զգալիորեն աճել է հետաքրքրությունը երկրի սոցիալ-տնտեսական պատմության նկատմամբ: Հրատարակվել են մի շարք աշխատություններ, որոնց հեղինակները վերլուծել են օսմանյան հասարակության սոցիալական կառուցվածքը և ձգտել լուսաբանել օսմանյան ավատատիրության բաղկացուցիչ մասը կազմող ինստիտուտները: Առանձին ուշադրություն է հատկացվել այնպիսի ինստիտուտների, ինչպիսիք են այանլըքը և դերբեյլիքը¹, Հարկ է նշել, որ հիշյալ ինստիտուտները սովետական պատմագիտության հատուկ ուսումնասիրության առարկա չեն եղել: Սակայն, այդուհանդերձ, մի շարք հեղինակներ իրենց թեմաների աղբյուրով շոշափել են այանլըք և դերբեյլիք ինստիտուտների հարցը²:

Ուսումնասիրողների զգալի մասն այաններին նույնացնում է դերբեյ-ների հետ, ենթադրելով որ դրանք նույն սոցիալական խավն են ներկայացնում, սակայն, հանգամանքների բերումով, հիշատակվում են տարբեր անուններով: Նման մոտեցումը պատահական չէ: Աղբյուրների մեջ այան և դերբեյ հասկացությունների միջև հստակ սահմանադատում գոյություն չունի և նույն պատմական դեմքերը մերթ կրում են այան, մերթ դերբեյ անունը: Այսպես, օրինակ, XIX դ. առաջին կեսի թուրք տարեգիր Ա. Զեվդեթը 1815—1816 թթ. Տրապիզոնի շրջակայքի դերբեյների դեմ ձեռնարկված միջոցառումների մասին խոսելիս Ռիզե քաղաքի այան Մեմիշ աղային ներկայացնում է որպես դերբեյի³: XIX դ. առաջին կեսին Փոքր Ասիա այցելած անգլիացի ճանապարհորդ Զ. Քինենյորը դերբեյներ է անվանում կենտրոնական Անատոլիայի մի շարք այանների⁴: Վերջապես, այդ շրջանի պաշտոնական փաստաթղթերում կենտրոնական կառավարության դեմ ըմբոստացած բոլոր ծայրամասային ավատապետները հիշատակվում են այան կամ դերբեյ անվանով, կամ ընդհանրացված «մյուլթեզալեբե»⁵ տերմինով:

¹ I. H. Uzunçarşılı, Meşhur Rumeli ayanlarından Tirsintikli İsmail, Yılık oğlu Süleyman ağalar ve Alemdar Mustafa Pasa, Ankara, 1946; Ç. Uluçay, 18. ve 19. yüzyıllarda Saruhanda eskiyalık ve halk hareketleri, İstanbul, 1956; N. Berkes, Türkiye'de Çağdaşlaşma, Ankara, 1973; H. Inalcık, The Nature of traditional society (Political modernisation in Japan and Turkey), İstanbul, 1966, p. 48 և այլն:

² Մ. Զուլալյան, Արևմտյան Հայաստանը XVI—XVIII դդ., Երևան, 1980: Հ. Համբարյան, Ազրաբային հարաբերությունները Արևմտյան Հայաստանում (1856—1914), Երևան, 1965, В. Гордлевский, Избр. соч., т. 3, М., 1962 և ուրիշներ:

³ A. Cevdet, Tarih-i Gevdet, tertib-i cedid, c. 10, Der Saadet, 1893, s. 218.

⁴ J. M. Kinnelr, Voyage dans l'Asie Mineure, l'Arménie et le Kurdistan dans les années 1813 et 1814, t. 1—2, Paris, 1815, p. 85.

⁵ Արաբերեն «մյուլթեզալեբ» բառից, որը նշանակում է ըմբոստ, անհնազանդ:

Որպեսզի որոշենք այն տեղը, որ զբաղեցնում էին վերոհիշյալ երկու կատեգորիաներն օսմանյան ավատապետական աստիճանակարգի մեջ, նախ տեսնենք, թե ինչպե՞ս են առանձին հեղինակներ բացատրում այդ հասկացությունները: Սկսենք այսանհերթ: Մ. Պակալընի «Պատմական անունների և տերմինների բառարանում» կարդում ենք հետևյալը. «Այսաներ էին կոչվում պետության կողմից նշանակվող ավագանու ներկայացուցիչները, ինչպես նաև ձերականության անդամները ծայրագավառներում: Ժողովրդի մեջ այսան էին անվանում նաև հարուստ համաքաղաքացիներին՝ «այսան-ը բելդե» (քաղաքի այսան), «այսան-ը մահալլե» (թաղի այսան) և այլն: Գավառների և գավառակների բնակչությունն ընտրում էր իր այսանին, որը պետք է օժանդակեր վալիին կամ կազիին՝ պետական հարկերի և տեղական կարիքներին հատկացվող գումարի չափը որոշելու գործում: Այն ժամանակից, ինչ վարչական ապարատը դադարեց անխափան գործելուց, այսանները բռնազրավեցին մյուսթեսսելլիմի⁷ և վոյվոդայի⁸ պաշտոնները և դադարեցին ենթարկվել գերագույն իշխանությանը⁹: Նույն հասկացությունը թուրք պատմաբան Ի. Ուզունչարը ընտրում է հետևյալ կերպ. «Վիլայեթների և կազանների¹⁰ բնակչության կողմից ընտրվող պաշտոնատար անձինք կրում էին «այսան» անունը: Սրանք կառավարության և բնակչության միջև հանգես էին գալիս որպես միջնորդներ՝ վարչական հարցեր կարգավորելիս և միաժամանակ տվյալ վայրի վարչապետն էին... Ժառանգության դիմաց նրանք պետությունից ստանում էին հավաքած հարկերի մի մասը որպես պարգև»¹¹: Այսան տերմինը մոտավորապես նույն ձևով է բացատրում Ա. Ռասիմը¹²: Հիշյալ հարցի մասին լրացուցիչ տեղեկություններ է հաղորդում Պ. Ժյուշերոն: «Այսանները,—գրում է նա,— պարտավոր էին ապահովել մասնավոր անձանց կյանքի և գույքի անվտանգությունը, հետևել քաղաքներում կարգ ու կանոնի պահպանմանը և թույլ չտալ տեղական փաշային՝ կեղեքել ժողովրդին»¹³: Մի այլ վկայություն համաձայն, գոյություն ունեին վեց հոգուց բաղկացած այսանական խորհուրդներ, որոնք իրականացնում էին իշխանությունը տվյալ գավառում¹⁴: Սույն հարցը շոշափում է նաև արդի թուրք սոցիոլոգ Ն. Բերկեսը՝ իր «Արդիականացումը Թուրքիայում» ծավալուն աշխատության մեջ: «Այսուհետև,—գրում է նա, նկատի ունենալով XVII դ. կեսը,— հողից ստացվող եկամուտը

⁶ Վալին վիլայեթ կամ էլայեթ անունը կրող խոշորագույն վարչական միավորի կառավարիչն էր: Կազին կատարում էր գավառային դատավորի պարտականությունները:

⁷ Մյուսթեսսելլիմ էին կոչվում այն սանջակների (գավառ) կառավարիչները, ովքեր այդ պաշտոնը ստանում էին կապալային սխտեմի շնորհիվ: Բառացիորեն մյուսթեսսելլիմ նշանակում է հանձն առած, ստանձնած:

⁸ Վոյվոդաներ էին կոչվում վոյվոդալքի կարգավիճակ ունեցող սանջակների կառավարիչները, ովքեր, որպես կանոն, զբաղվում էին ռազմական հարցերով:

⁹ M. Z. Pakalın, Tarih terimleri ve deyimleri sözlüğü, c. 1, İstanbul, 1946, c. 947.

¹⁰ Գավառակ, ոչ մեծ վարչական բաժանմունք, որը մտնում էր սանջակի կազմի մեջ:

¹¹ İ. H. Uzuncarsılı, *Şeyh. say. 132*.

¹² A. Rasim, Osmanlı Tarihi, c. 3, İstanbul, 1327-1329, s. 1029-1030.

¹³ St. Denys de Juchereau, *Revolutions de Constantinople en 1807-1808*, Paris, 1813, p. 245.

¹⁴ F. Beaupour, *Tableau du commerce de la Grèce*, Paris, 1800, p. 48-49.

պատկանում էր ոչ միայն պետությանը, այլ նաև նորեկ սոցիալական ուժերին, որոնցից էին այսինքնը Այս վերջիններս հանդես էին գալիս որպես գավառակների ներկայացուցիչներ կառավարության առջև, զբաղվում էին վարչատնտեսական հարցերով և իրականացնում էին արդարադատությունը: Սկսած 17-րդ դարի կեսերից նրանց հզորությունն այնքան աճեց, որ նրանք այլևս չէին զգում որևէ հովանավորի պաշտպանության կարիքը: Արդեն նրանց ժառանգները հավակնում էին իրենց հայրերի զբաղեցրած պաշտոնին: Այսպես երևան եկան այսինքնի դինաստիաները՝ «այան-ը հանեդան»¹⁵, Այնուհետև Ն. Բերկեսը շեշտում է, որ այսինի կոչումը պաշտոնական բնույթ չունեց, բայց, հակառակ դրան, այսինները մեծ նշանակություն ստացան նաև ռազմաքաղաքական հարցերի լուծման ժամանակ¹⁶, Հարկ է նշել, որ այսինի պաշտոնի ժառանգականության մասին դեռ XVIII դ. վերջերին նշել է Մ. դ'Օսոնը¹⁷:

Սովետական պատմագիտության մեջ այսինության հարցը շոշափվել է տարբեր առիթներով: Այն մեղ մոտ առաջինը բարձրացրել է Ա. Միլլերը՝ «Մուստաֆա փաշա Բայրակտար» աշխատության մեջ, Նա գտնում էր, որ այսինստիտուտը չի կարելի համարել ֆեոդալ-կալվածատերերի մի նոր խավ: Նրանք, ըստ Ա. Միլլերի, իրոք կալվածատերեր են եղել, բայց այս տերմինը նշանակում է ոչ թե սոցիալական կատեգորիա, ինչպես սիպահիները¹⁸ և դերեբեյները, այլ պաշտոն¹⁹: Մ. Մեյերը այսինների ի հայտ գալը կապում է սիպահական աստիճանակարգի բարձրագույն ներկայացուցիչների անվան հետ: Այսինների քաղաքական ազդեցության աճը, ըստ նրա, կապված էր ռազմավարական սիստեմի ճգնաժամի հետ, որի հետևանքով նրանց իշխանությունը տարածվեց սանջակների ու էլայեթների քաղաքական կյանքի բոլոր բնագավառների վրա, և XVIII դ. առաջին տասնամյակներում, որպես հատուկ գավառային վարչական միավոր, առաջացավ այսինը ինստիտուտը²⁰:

Այսին տերմինը, ըստ երևույթին, շատ հին ծագում ունի: Դեռ վաղ անցյալում այն մուսուլմանական արևելքում գործ էածվել որպես հարգարժան և երևելի մարդկանց մակդիր: Որոշ տվյալների համաձայն, Օսմանյան կայսրության մեջ այսին հասկացությունն արմատավորվել է XVI դ. սուլթան Սյուլեյման Կանունիի օրոք²¹: Սկզբնապես այն եղել է պետական ապարատի և հոգևորականության բարձրաստիճան պաշտոնյաների մակդիր, ինչպես օրինակ՝ «դեվլեթ-ի այան», «ֆահր-բլ այան» և այլն²², Հետագայում, առանձնապես XVII դ. վերջերին և XVIII դ. սկզբին առաջ եկավ այսինների

¹⁵ N. Berkes, *Նշվ. աշխ.*, էջ 97, 98.

¹⁶ Նույն տեղում.

¹⁷ M. d'Ohsson, *Tableau générale de l'Empire Ottoman*, VII, Paris, 1824 p. 286.

¹⁸ Սիպահիներ էին կոչվում ռազմական ավատների՝ թիմարների և զեմեմտների ժամանակվոր տիրակալները:

¹⁹ А. Ф. Миллер, Мустафа паша Байрактар. Османская империя в начале XIX века, М.—Л., 1947, с. 33.

²⁰ М. С. Мейер, К вопросу об изменениях в структуре и составе правящего класса Османской империи в XVIII в («Проблемы истории Турции», М., 1978, с. 57—58).

²¹ A. Sučeska, Poriyeklo i mjesto ajana u društvenu političkom sistemu turska države („Pregled“, Sarajevo, 1960, N 12, с. 103-104).

²² М. Z. Pakalin, *Նշվ. աշխ.*, էջ 946.

մի նոր դաս, որն արդեն հիմնականում բաղկացած էր գավառային ավագանու ներկայացուցիչներից: Այժմ այան հասկացությունը տարածվում էր բոլոր այն անձանց վրա, ում բարձր դիրքը պայմանաշրջանում էր կամ ռազմական աստիճանակարգում նրանց զբաղեցրած տեղով (ենիշերինների և պահեստային զորքերի հրամանատարները), կամ վարչական ու դատական ապարատում նրանց կատարած ֆունկցիաների կարևորությամբ (վոյվոդաներ, մյուլթեսելիմներ, կադիներ), կամ գիտական ու հոգևորական սանով (ուլմաններ, սեիդներ)²³: Նոր այանները, որպես կանոն, ունեւոր մարդիկ էին: Նրանցից ոմանք եղել էին հողի ժառանգական տիրակալներ (սիպահիների վերնախավը), մյուսները՝ վարչական պաշտոնների կապալառուներ (մյուլթեսելիմներ, մուխասըլներ), մի մասն էլ՝ առևտրականներ, վաշխառուներ, համքարությունների ավագներ և այլն: Սակայն բոլորի համար ընդհանուր էր այն, որ նրանց քաղաքական ազդեցության աճը բացատրվում էր հողային սեփականության և դրամական հարստության կուտակումով:

Այանլըք ինստիտուտի ծագումը սերտորեն կապված է 1695 թ. մալիքյանները²⁴ սիստեմի հիմնադրման հետ: Այս թվականից սկսած պետությունը մյուլթեսելիմի, այսինքն՝ կապալի միջոցով հարկահավաք դառնալու իրավունքը պաշտոնապես տվեց գավառաբնակ մեծահարուստներին: Այան ընդհանուր անունը ստացած այս անձինք շուտով անփոխարինելի դարձան իրենց բնակավայրերի տնտեսական հարցերի լուծման գործում: Կառավարությունը նրանց հանձնարարեց տվյալ շրջանի ելք ու մուտքի մատյանները, որոնց մեջ մանրամասն նշվում էր, թե բնակչությունն ինչպիսի և ինչ քանակությամբ հարկեր է վճարում պետությանը: Այանները ստանձնեցին հարկահավաք-մուհասըլի պաշտոնը՝ դառնալով կապալառուներ²⁵: Այս մատյանները կազմելու ժամանակ կատարած մեքենայությունների շնորհիվ նրանք դարձան մեծահարուստներ²⁶: Արտաքնապես այանները հանդես էին գալիս կառավարության և բնակչության միջև միջնորդի դերում և կատարում էին մի շարք այլ ֆունկցիաներ՝ հանդիսանում էին տվյալ գավառի կառավարիչը, զբաղվում էին զորահավաքով, կազմում էին բողոքագրեր այն կառավարական պաշտոնյաների հասցեին, ովքեր շարաշահում էին իրենց իշխանությունը և այլն²⁷: Սակայն, այս պարտականությունները կրում էին ձևական բնույթ. ավելի հաճախ այանները համագործակցում էին կառավարական գործակալների հետ՝ բնակչությանը կեղեքելու համար²⁸:

Կայսրության անկման շրջանում պալատի բարձրաստիճան պաշտոնյաներն այաններին օգտագործում էին որպես իրենց կամակատարները գավառներում՝ փոխարենը նրանց շնորհելով տարբեր պաշտոններ²⁹: Հասնելով տնտեսական հզորության, այանները սկսեցին իրենց ձեռքում կենտրոնացնել տվյալ վայրի ռազմական ու քաղաքական իշխանությունը և ստեղծեցին սե-

²³ A. Sučaska, նշվ. աշխ., էջ 110:

²⁴ Կառավարության կողմից առանձին անհատներին ցմահ տրվող տիրույթներ:

²⁵ C. Ulucay, նշվ. աշխ., էջ 53, 54:

²⁶ Նույն տեղում:

²⁷ St. Denys de Juchereau, նշվ. աշխ., էջ 245:

²⁸ M. d'Ohsson, նշվ. աշխ., էջ 286:

²⁹ H. Inalcik, նշվ. աշխ., էջ 48:

փական զորքեր: Դա նրանց հնարավորություն տվեց մալիքյանները (ցմահ ստանձնած կապալները) վերածել ժառանգական տիրույթների, որոնք պաշտոնի հետ միասին սկսեցին անցնել նրանց ժառանգորդներին: Այսպիսի ալաններից ոմանց, օրինակ, Յանինայի տիրակալ Թեբեդելենլի Ալի փաշային՝ կառավարությունը ստիպված եղավ տալ վեզիրի տիտղոս³⁰:

Ալանական դինաստիաների ձևավորման ընթացքը ակնառու երևում է Կարասոման օղլուների ավատական տոհմի օրինակից: Այս տոհմի անդամները XVIII դ. ընթացքում տիրեցին Սարուխանի սանջակի բոլոր վարչական պաշտոններին և դրանք իրենց ձեռքում պահեցին մինչև 1816 թ., երբ մահացավ տոհմի ազդեցիկ ներկայացուցիչներից վերջինը՝ Հաջի Հյուսեին աղան: Սակայն նույնիսկ ցմահ կապալների վերացումից հետո էլ նրանք պահպանեցին իրենց տնտեսական հզորությունը՝ արդեն որպես մասնավոր սեփականատերեր³¹:

Ալանների հանդեպ կառավարության քաղաքականությունը կայուն չէր: 1714 թ. սուլթան Ահմեդ III-ը փորձեց ցմահ կապալների սիստեմը վերացնել, բայց արդյունքի չհասավ: Նրան հակադրվող հիմնական տարրը ալաններն էին, որոնք չէին ցանկանում զիջել արդեն ձեռք բերած դիրքերը: Համոզվելով դրանում, կառավարությունը դիմեց մի այլ քայլի: 1726 թ. մեծ վեզիր Մուհսինզադե Մեհմեդ փաշայի նախաձեռնությամբ հրապարակվեց հրովարտակ, որը ալաններին թույլ էր տալիս պաշտոնապես զբաղեցնել զավառների կառավարչի պաշտոններ, այսինքն՝ օրինականացնում էր նրանց իշխանությունը³²: Սրանով կառավարությունը փորձում էր ալաններին վերցնել իր հսկողության տակ: Հրովարտակի համաձայն, ալաններին պետք է ընտրեին սանջակի կամ կազայի երեւելի քաղաքացիները, իսկ նահանգապետներն իրավունք չունեին միջամտելու: Այն բանից հետո, երբ մեծ վեզիրն արդեն ընտրված ալանին հաստատում էր իր պաշտոնում, նահանգապետը նրան տալիս էր մի փաստաթուղթ, որը կոչվում էր ռայանլըբ բուլդուղուսու³³: իսկ երբ առաջացան ալանական դինաստիաները, որոնք հրաժարվում էին ենթարկվել կառավարության որոշումներին, վերջինիս քաղաքականությունն ալանների հանդեպ արմատապես փոխվեց³⁴:

XVIII դ. օսմանյան կառավարությունը երեք անգամ (1726, 1773 և 1785 թթ.) փորձեց չեղոքացնել ալանների ռազմաքաղաքական հզորությունը: Քանի որ այս առթիվ հրապարակված ֆերմաններից առաջին երկուսը հայտնաբերել չհաջողվեց, ուստի բերում ենք 1785 թ. հրովարտակը, որի բովանդակությունը հետևյալն է. «Իզմիրի շրջանի ավագ մուլլային, սուլն էյալեթի բոլոր կադիներին, նախններին, մուխասսըլներին, սպաներին և ծերակույտի անդամներին.

Մեզ լուրեր են հասնում, որ ձեր էյալեթի բոլոր քաղաքներում և կազաներում հայտնվել են մի շարք ալաններ, որոնք, խախտելով մեր սրբազան

³⁰ M. Z. Pakalın, նշվ. աշխ., էջ 947:

³¹ H. Inalcık, նշվ. աշխ., էջ 48:

³² Թուրք հետազոտող Մ. Պակալընը առաջարկում է այս թվականը համարել ալանյորք ինստիտուտի պաշտոնական հիմնադրման տարի (նշվ. աշխ., էջ 947):

³³ Հրամանագիր:

³⁴ I. H. Uzunçarşılı, նշվ. աշխ., էջ 2:

օրենքները, ինքնակամ փոփոխություններ են մտցնում ելք ու մուտքի մատ-
յանների (թեվդի դեֆթերների) մեջ, նշանակում և գանձում են ապօրեն հար-
կեր, կեղեքում ու կողոպտում են թշվառ ուսանողներին ու հանուն իրենց անձ-
նական շահերի քարուքանդ են անում երկիրը: Դեռ մեր աղնվաշուք նախնի
Մուստաֆա 3-րդի օրոք սադրազամ Մուհսինզադե Մեհմեդ փաշան մի ֆեր-
ման էր հրապարակել [1726 թ.], համաձայն որի այսաններն ընտրվում էին
վիլայեթի կրեմլի անձանց կողմից և իրենց պաշտոնը կարող էին ստանալ
միայն սադրազամի գրավոր համաձայնությամբ: Սակայն այս պայմանը չէր
պահպանվում ո՛չ Անատոլիայում, ոչ էլ Ռումելիում: Այս պատճառով 1198 թ.
[1773 թ.] մի նոր ֆերման հրապարակվեց, որը կրկնում էր [1726 թ.] ֆեր-
մանի պայմանները և ավելացնում, որ այսանի թեկնածուն պետք է ճանաչված
լինի կառավարական շրջաններում: Այսանական բուլդուզուն կարող էր տալ
միայն սադրազամը: Սակայն այնուհետև էլ ամեն ինչ շարունակվեց նախկին
ձևով: Նույնիսկ որոշ վալիներ շարունակում էին իրենց անունից այսանական
բուլդուզուններ բաժանել: Կաշառքի և նվերների օգնությամբ այսանի պաշտոն
ձեռք բերող պատահական մարդիկ սկսեցին սանջակներում դրավել վարչա-
կան կառավարությունը: Ելնելով այս հանգամանքից, մենք որոշեցինք վե-
րացնել այսանի պաշտոնը ամբողջ կայսրության մեջ և նրանց տեղը, ինչպես
եղել է նախկինում, նշանակել քաղաքապետեր, այսպես կոչված, «քեդիու-
ղաներ»: Թող քաղաքների ժերակուլտերի անդամներն իրենք ընտրեն քաղա-
քապետերին, իսկ մենք՝ կհաստատենք: Այսուհետև արգելվում է նույնիսկ
արտասանել այսան անունը: Ով չի ենթարկվի մեր կամքին և կշարունակի
տանջել ու կեղեքել խեղճ ուսանողներին, ենթարկվելու է դաժան պատժի»³⁵:

Վարչական միջոցներով այսանլըք ինստիտուտը վերացնելու փորձը նա-
տակին չհասավ: Գավառներում այսանների դիրքերն այնքան հզոր էին, որ
նորընտիր քեդիուղաներն ամբողջությամբ նրանցից կախման մեջ էին և կա-
տարում էին միայն նրանց հրահանգները: 1790 թ. կառավարող շրջանները
հատուկ հրովարտակով ստիպված ելան վերականգնել այսանի պաշտոնը³⁶,
1808 թ. մայրաքաղաքի բյուրոկրատիայի և այսանների միջև կնքվեց մի դաշ-
նադիր, այսպես կոչված, «Սենետ-ի իտտիֆակը», որն օրինականացրեց վե-
րիններիս իշխանության ժառանգականությունը գավառներում:

Այժմ անցնենք դերերեյության հարցին: Նախ նշենք, որ ժամանակակից
թուրքերենում դերերեյ տերմինը գործածվում է որպես ֆեոդալ տերմինի
համարժեք և բոլոր դասագրքերում ֆեոդալական հասարակական ֆորմացիան
ներկայացվում է դերերեյիք բառով:

Դերերեյ հասկացությունը բացատրելիս որոշ հեղինակներ հիմք են
ընդունում նրա բառացի նշանակությունը (թուրքերենում դերե-բեյի բառա-
ցորդն նշանակում է գետահովտի տիրակալ, հովտապետ): Օրինակ, սովե-
տական ուսումնասիրող Վ-իլը (Կոնստանտին Վասիլևսկի) այս տերմինի
ժագումնաբանությունը կապում է աշխարհագրական պարագաների հետ:
«Հողի և կլիմայի առանձնահատկությունների պատճառով,— գրում է նա,—
Բուրդիստանում գյուղատնտեսական աշխատանքները հիմնականում կատար-

³⁵ М. Z. Pakalin, նշվ. աշխ., էջ 947:

³⁶ Նույն տեղում:

վում են գետահովիտներում և արհեստական ոռոգման միջոցով: Այստեղից էլ գալիս է քուրդ ֆեոդալի անունը՝ դերե-բեյ, այսինքն հովտի տիրակալ»³⁷, Այս նույն կարծիքը պաշտպանում է նաև ակադեմիկոս Վ. Գորդլևսկին, սակայն նա դերեբեյ հասկացությունը չի սահմանափակում միայն քուրդ ֆեոդալներով³⁸, Մ. Մեյերը դերեբեյների ծագումը կապում է այանների հզորացման հետ, ենթադրելով, որ հենց այանները հանդիսացան այն միջավայրը, «որի միջից 18-րդ դարի կեսին երևան եկան ամենազոր դերեբեյները»³⁹,

Դերեբեյների ծագմանը և գործունեությանը զգալի տեղ է հատկացնում Ն. Բերկեսը՝ վերը հիշատակված աշխատության մեջ: Ըստ նրա, դերեբեյները պատմաբան իջան XVII—XVIII դդ. սահմանագծում և դերեբեյներ էին դառնում կենտրոնական իշխանությունից դժգոհ վալիները, յամակները, ենի-չերինները, ինչպես նաև որոշ այաններ⁴⁰, Համաձայն մի այլ թուրք պատմաբանի՝ Բ. Բայկալի, դերեբեյ էին անվանում այն ավատապետերին, որոնք սկզբնապես եղել են պետական պաշտոնյաներ, բայց XVII դ. սկսած հանդես են եկել կենտրոնական իշխանության դեմ⁴¹, «Իսլամի հանրագիտարանում» նշված է, որ դերեբեյներ էին կոչվում այն հզոր ու ազդեցիկ անձինք, որոնք նախապես լինելով պետական պաշտոնյաներ՝ հետագայում վեր են ածվել ինքնուրույն վասալների: XIX դ. սկզբում միայն Կարամանի և Անատոլիայի էյալեթների վալիներն էին կառավարության կողմից նշանակված: Մնացած վալիները, առանց բացառության, եղել են ինքնակոչներ⁴², Պետք է նշել, որ տվյալ հարցին թուրք պատմագիտության մոտեցումը սկզբունքորեն սխալ է և հիմնված է պատմական փաստերի միտումնավոր խեղաթյուրման վրա: Անտեսելով այն հանգամանքը, որ դերեբեյության օրրանը եղել է Արևմտյան Հայաստանը, թուրք հետազոտողները պնդում են, թե իբր այն առաջացել է լոկ Օսմանյան կայսրության անկման շրջանում (XVII—XVIII դդ.), կենտրոնական իշխանության թուլացման հետևանքով, և որ դերեբեյներ են դարձել հիմնականում կենտրոնախույս վալիները, դասալիք սպաները, այանները, ավազկապետերը և այլն: Ընդ որում, նրանք դերեբեյների շարքն են դասում բացարձակապես թուրք և թուրքմեն ավատապետերին⁴³, Նման մոտեցումն ունի իր պատճառները: Առաջին. թուրք պատմաբաններն ավանդակա-նորեն ժխտում են իրենց երկրի պատմության մեջ ֆեոդալիզմի գոյությունը, ելնելով այն բանից, որ մահմեդականության կրոնական օրենսդրությունը (շարիաթ) սկզբունքորեն դեմ է ֆեոդալական հարաբերություններին: Հետևաբար, պնդում են նրանք, Օսմանյան կայսրության մեջ ճորտի և ճորտապիրող հարաբերություններ չեն եղել, քանի որ վոլոդացին անմիջական կախ-

³⁷ В-ий [Константин Василевский], К аграрным отношениям в Курдистане. Анализ курдского дере-бейлика («Аграрные проблемы», М., 1932, кн. 1—2, с. 115—131).

³⁸ В. Гордлевский, *նշվ. աշխ.*, էջ 21:

³⁹ М. С. Мейер, *նշվ. աշխ.*, էջ 57:

⁴⁰ N. Berkes, *նշվ. աշխ.*, էջ 98:

⁴¹ B. S. Baykal, Tarih Deyimleri Sözlüğü, Ankara, 1963, s. 37.

⁴² «Islam Ansiklopedisi», с. 3, cüz 27, İstanbul 1945, s. 540, *Այս տեսակետը բա-ժանում է նաև Մ. Մ. Մեյերը* (М. С. Мейер, *նշվ. աշխ.*, էջ 57):

⁴³ I. H. Uzunçarşılı, *նշվ. աշխ.*, էջ 57-60:

ման մեջ է եղել պետությունից⁴⁴: Դերբեյությունն դասակարգային էության ճանաչումը կհանգեցնեի այս կարծիքի հերքմանը, քանի որ դերբեյի և նրան ենթակա դյուղացիության փոխհարաբերությունները ոչ այլ ինչ են, եթե ոչ ֆեոդալի և ճորտի հարաբերություններ⁴⁵: Երկրորդ պատճառը թուրքական կառավարության այն քաղաքականությունն է, որի համաձայն Թուրքիայում քուրդ ժողովուրդը, հետևաբար և քրդական հարց դյուլություն չունի: Այդ քաղաքականության հետևանքով պատմական ուսումնասիրությունների մեջ համարյա տեղ չի տրվում քրդերին, հետևապես և քուրդ դերբեյների հարցին:

Ինչպես հայտնի է, օսմանյան կառավարությունը նվաճված հողերի գերակշիռ մասը վերածում էր պետական սեփականության՝ դրա վրա տարածելով թիմարային սիստեմը: Այս առումով բացառություն չկալմեջ նաև Արևմտյան Հայաստանը: XVI դ. ընթացքում թուրքական կառավարությունը Հյուսիսային Միջագետքից և Պարսկաստանից Հարավային Հայաստան տեղափոխեց բազմաթիվ քուրդ ու թուրքմեն ցեղերի՝ ի հակակշիռ տեղի քրիստոնյա բնակչության⁴⁶: Ելնելով քաղաքական նկատառումներից, կառավարությունը որոշեց այս հողերի վրա, բացի թիմարային սիստեմից, ստեղծել այնպիսի հողատիրության ձևեր, ինչպիսիք էին յուրտուլք-օջաղլըքները⁴⁷, հյուլմեթլըքները⁴⁸, մյուլքերը⁴⁹ և այլն: Քուրդ ավատապետները ձեռք էին բերում բացառիկ արտոնություններ՝ վերածվելով ոչ թե պետական պաշտոնյաների, այլ սուլթանի վասալների: Այսպիսով, երկրի արևելքում քուրդ վերնախավի և հայ աշխատավոր դյուղացիության միջև հաստատվում էին այնպիսի ֆեոդալական հարաբերություններ, ինչպիսիք եղել են ֆեոդալիզմի դարն ապրած բոլոր երկրներում:

Կրոնական ֆանատիզմով տոգորված քուրդ ավատապետները կեղեքումներով ու անդթությունքով գերազանցեցին այլ երկրների ֆեոդալներին, քանի որ թուրք կառավարողները նրանց գործունեության լիակատար ազատություն էին տվել: Այստեղ չենք անդրադառնում հայ դյուղացու թշվառ վիճակին: Դա բազմիցս արել են հայ և օտար հեղինակները, դեռ անցյալ դարից սկսած: Բայց անհրաժեշտ ենք համարում նշել, որ հայ ժողովրդի արևմտյան հատվածի վրա քուրդ ավատապետների իշխանության հաստատումն արգելակեց նրա հետագա սոցիալ-տնտեսական զարգացումը՝ վերականգնելով վաղ միջնադարի սոցիալական հարաբերությունները, առանձին դեպքերում ստեղծելով նույնիսկ ստրկատիրական հարաբերություններ: Հենց քուրդ ավատապետների ստեղծած սոցիալ-տնտեսական կարգերն էլ հայ իրականության մեջ

⁴⁴ Այս տեսակետը քիչ թե շատ պաշտպանում են համարյա բոլոր թուրք հետազոտողները, բայց այն ավելի ակնառու է Բարկանի աշխատությունում (Ö. L. Barkan, Türk Toprak Hukuku Tarhinde Tanzimat, —, Tanzimat, I*, İstanbul, 1940).

⁴⁵ N. Berkes, 100 Soruda Türkiye İktisat Tarihi, İstanbul, 1972, s. 66-67.

⁴⁶ B. Nikitine, Les Kurdes, étude sociologique et historique, Paris, 1956, p. 185.

⁴⁷ Տուրտուլք-օջաղլըք էին կոչվում այն սանջակները, որոնք այնտեղ իշխող ֆեոդալական տոհմերի ժառանգական տիրույթն էին:

⁴⁸ Հյուլմեթլըքի ստատուս ունեցող շրջանները համարվում էին իշխող ֆեոդալների սեփականությունը և անցնում էին հորից որդուն: Այս հողերի վրա խասսեր, զեամեթներ և թիմարներ գոյություն չունեին: Նրանց տիրակալները սուլթանին վճարում էին ամենամյա հարկ և պատերազմի ժամանակ իրենց ջոկատներով միանում էին թուրքական բանակին:

⁴⁹ Սուլթանի կողմից որպես մասնավոր սեփականություն շնորհված տիրույթ:

ստացան դերերեյություն անունը, իսկ իրենք՝ ավատապետերը, սկսեցին կոչվել՝ դերերեյներ: Ինչ վերաբերում է թուրք և թուրքմեն դերերեյներին, ապա նրանց ծագումնաբանությունը բացատրում է Վ. Գորդլևսկին՝ սելջուկյան շրջանի ֆեոդալ Հյուսամետտին Չոբան բեյի օրինակի վրա: «Սելջուկների անկման հետևանքով,— գրում է նա,— Չոբան բեյը ձեռք բերեց քաղաքական անկախություն... այդ արդեն նրա ժառանգական տիրույթներն էին և նա տնօրինում էր դրանք ինչպես կամենար՝ բաժանում էր իր որդիների միջև: Նույնիսկ 15-րդ դարում Չոբան բեյի հետնորդները, որոնք հայտնի էին Չոբան օղուլլա-րը անունով, Կաստամոնուի շրջանի տերն ու տիրակալն էին: Սրանք արդեն նվերների և կաշառքի միջոցով շրջանի տիրակալը դարձած իսկական դերերեյներ էին»⁵⁰:

Հնարավոր է, որ Չոբան բեյի հետնորդների և XIX դ. սահմանադիրին կենտրոնական Անատոլիայի տիրակալները դարձած Չափան օղուլների միջև գոյություն ունի անմիջական կապ, առավել ևս, որ երկու տոհմերն էլ թուրք-մենական ծագում ունեին և բնակվում էին նույն տեղանքում: Կոնիական սուլթանաթի անկման շրջանում Փոքր Ասիայում առաջացան մի շարք իշխանություններ, որոնցից մի մասը շարունակում էր գոյատևել Օսմանյան կայսրության օրոք: Դրանցից էին այնպիսի տոհմեր, ինչպիսիք էին էվրենոս օղուլլա-րը, Միխալ օղուլլարը, Թուրխանլը օղուլլարը և այլն⁵¹: Նրանց հետնորդներն էլ քուրդ ավատապետերի հետ XVIII դ. ընթացքում կաղմեցին այն ֆեոդալական ինստիտուտը, որը կոչվեց դերերեյլիք կամ դերերեյություն: Ինչ վերաբերում է կենտրոնախույս վալիներին և այլ պետական պաշտոնյաների, ապա նրանք ձգտում էին ձեռք բերել նույնպիսի արտոնություններ, ինչ արդեն ունեին դերերեյները՝ (հողի մասնավոր սեփականություն, ժառանգական իշխանություն, ենթակա բնակչությանը միասնային կեղեքելու ազատություն և այլն): Այլ կերպ ասած, նրանք ձգտում էին դառնալ իսկական դերերեյներ: Հարկ է ասել, որ XVII—XIX դդ. կենտրոնախույս ձգտումների ուժեղացումը օսմանյան կառավարության վարած կենտրոնացման քաղաքականության անանկացման հետևանքն էր և պատմության զարգացման ընդհանուր միտումը տանում էր մասնավոր հողատիրության ձևերի վերահաստատմանը:

Ի տարբերություն քուրդ, թուրքմեն և մասամբ թուրք ավատապետերի, որոնք իրենց իշխանությունը ստացել էին կառավարությունից, նորընծա դերերեյներն իրենց նպատակին հասնելու համար դիմում էին բռնի միջոցների, որոնք արտահայտվում էին հակակառավարական ելույթների ձևով: Այս միջոցով դերերեյներ դարձան Կարասուման օղուլները, Ալի փաշա Թեփեղե-լենլին, Դադղեփրեն օղուլն, Բատտալ փաշան և այլն: Այսպիսով, դերերեյության ինստիտուտը տարածվեց ողջ Անատոլիայում և նրանց ու կառավարության փոխհարաբերությունների խնդիրը վերածվեց ողջ օսմանյան ֆեոդալիզմի գոյության հարցի: Ընդհատ է, սուլթան Մահմուդ II-ի օրոք (1808—1839) կառավարությանը հաջողվեց վերացնել թուրք, թուրքմեն, ապա նաև քուրդ դերերեյների քաղաքական ինքնուրույնությունը, սակայն տնտեսական բնագավառում նրանց իշխանությունը պահպանվեց: Ինչպես հա-

⁵⁰ В. Гордлевский, Государство сельджукидов Малой Азии, М., 1946, с. 78.

⁵¹ D. Avcıoğlu, Türklerin Tarihi, c. 1, İstanbul, 1978, s. 100.

դորդում է ռուս դիտնական և ճանապարհորդ Պ. Չիխաչևը, դերբեյլիք ինստիտուտի պաշտոնական վերացումից հետո էլ դերբեյլների ժառանգները, որոնք արդեն կոչվում էին աղաներ, շարունակում էին բնակիչներից գանձել նույն հարկերը, ինչ և նրանց նախորդները: 1858 թ. սուլթանական կառավարության հրապարակած օրենքի համաձայն դերբեյլները դարձան իրենց ենթակա հողերի սեփականատերն ու մտան նորաստեղծ գավառային խորհուրդների կադմի մեջ, այսինքն նրանց գործունեությունն օրինականացվեց⁵²:

Ի տարբերություն այանների, որոնք մեծ մասամբ ապրում էին քաղաքներում կամ սեփական շիֆթլիքներում (ագարակ), դերբեյլներն ապրում էին անառիկ ամրոցներում, որտեղ նրանք կարող էին դիմադրել կառավարական ղորքերին: Նրանք անընդհատ ընդհարվում էին հարևան մարզերի դերբեյլներին հետ, որը ծնունդ էր տալիս անվերջ պատերազմների, որոնց հետևանքով ավերվում և ամայանում էին ամբողջ շրջաններ:

Գոյություն ունի մի օրինաչափություն. այանները, որպես կանոն, երեւման են եկել կայսրության հվրոպական գավառներում, Արեւմտյան Անատոլիայում և Փոքր Ասիայի ափամերձ շրջաններում, որտեղ ապրանքադրամային հարարերությունները համեմատաբար զարգացած էին: Ինչ վերաբերում է դերբեյլներին, ապա սրանք գերիշխում էին արեւելյան, հարավ-արեւելյան և մասամբ հարավային մարզերում, ուր ֆեոդալական հարաբերությունները դեռ բավական ուժեղ էին: Այանների տիրապետության տակ գտնվող շրջաններում գյուղացիների շահագործման մեջ արտատնտեսական հարկադրանքը գնալով փոխարինվում էր տնտեսականով և հող էր ստեղծվում նոր արտադրական հարաբերությունների զարգացման համար: Իսկ դերբեյլների տիրույթներում գերիշխում էր արտատնտեսական հարկադրանքը: Դրա իրացման հզոր գործոն էին հատկապես քուրդ դերբեյլների ավազակային ջոկատները:

Այսպիսով, այսպիսիք և դերբեյլիք ինստիտուտները ներկայացնում էին օսմանյան ֆեոդալիզմի զարգացման երկու հակամարտ միտումները: Այսպիսիք ինստիտուտը դարձավ նոր հողատիրական ձևերի առաջացման արտահայտությունը: Այն ծագեց պետական հողատիրությունից մասնավոր հողատիրության անցման շրջանում և, թուլացնելով ավատատիրական հարաբերությունները երկրի սոցիալ-տնտեսական կյանքում, նպաստեց ավելի առաջավոր արտադրական հարաբերությունների զարգացմանը:

Ի հակադրություն այանների, դերբեյլներն ամեն կերպ ձգտում էին հավերժացնել ֆեոդալական հարաբերությունները՝ մեծ հարված հասցնելով երկրի սոցիալ-տնտեսական առաջընթացին: Այդ պատճառով նրանք հանդես էին գալիս բոլոր տեսակի բարեփոխությունների դեմ և նրանց ելույթները շատ հաճախ ստանում էին անջատողական բնույթ:

Հարկ է նշել, որ դերբեյլության հետևանքները վերջնականապես վերացնելու ուղղությամբ թուրքական կառավարության ջանքերը մինչև օրս էլ հաջողությամբ չեն պսակվել:

⁵² П. А. Чихачев, Письма о Турции, М., 1960, с. 66—69.

ОБ ИНСТИТУТАХ АЯНЛЫК И ДЕРЕБЕЙЛИК

МУРАД БОДЖОЛЯН

Резюме

Институт аянлык возник в XVII—XVIII вв. и стал выражением перехода от государственной формы землевладения к частнособственной.

Возникновение деребейлика связано с антиармянской политикой турецких завоевателей в Западной Армении, земли которой были распределены между курдскими феодалами. Именно установленный ими в Западной Армении порядок и получил в армянской среде название деребейлик. Позже деребей превратились в центробежную силу и все непокорные центральной власти феодалы стали называться деребеями.

Сфера деятельности аянов охватывала европейские провинции и прибрежные районы азиатской Турции, где товарно-денежные отношения были сравнительно развиты. Что же касается деребеев, то они господствовали на востоке империи.